



Universitätsbibliothek Paderborn

Instructio practica ...

Institutiones Theologiæ Mysticæ, Seu Facilem & practicum modum
Exercitia Spiritualia S.P. Ignatii Loyolae per octiduum faciendi - item
triduanam recollectionem fructosè instituendi complectens, Et
Sacerdotibus Præcipuè, aut de Sacerdotali Statu suscipiendo
deliberantibus accomodata, Una cum ...

Lohner, Tobias

Dilingæ, 1680

Consid. de patientia in specie.

[urn:nbn:de:hbz:466:1-48834](#)

hanc vel illam adversitatem patiaris; an non libenter eum sufferres? atqui certior est fides, quā si Angelus de celo nuntiaret, cur ergo promptè adversa excipere negligis?

4. Immensum æstimasses favorem, si vel unum idem flagelli excipere potuisses, ne Christo ille infligeretur, ut ergo non gaudes implere ea, quæ desunt passionibus Crucifixum Christus pro gloria Dei optavit omnes hominum cruciatus, & consequenter eriam hunc, quem sustines, laborem sentire; tolera ergo tu illum, & sic consolare Christum satisfaciens desiderio illius.

5. Solantur se alij in doloribus, si homines passionis locios habeant; cur tu non solarium hauris, quando vides te Deum passionis socium habere? si tribus Pueris in fornace Babylonica is, qui similis Filio Dei cum illis visus est, ignis æstum in ventum roris flantem convertit, quidni idem ibi in tribulationis fornace constituto facere possit Christus?

6. Quis mortem gravissimam meritus, non gauderet, si morbus ei adveniret, ob quem differretur, aut omnino deferretur supplicium? cur ergo tu non libenter patiaris quæcunque hujus mundi adversa, ut ab æterno supplicio liberaris?

7. Urinatores pro vili præmio in aquas profundissimas precipitant, & tu pro cælesti præmio non libenter in mare tribulationum te conjicies?

8. B. Borgias omnia adversa tibi levia fecit, binos Legatos, scilicet cognitionem sui, & inferni præmitendo; quanto magis tibi omnes tribulationes jucundæ accident, si amorem Dei, Christi passi exemplum, considerationem infici, & præmij cælestis præmiseras?

CONSIDERATIO DE PATIENTIA IN SPECIE.

Contra Persecutiones.

1. **S**i Philosophiæ aut Theologiæ studiosi pro Benefactorib[us] specialibus agnoscunt eos, qui contra ipsos argumentantur, quia occasionem præbent profectus sui in doctrina ostendendi; cur tu eos, qui persecuntur, nou diligis, cum & hi optimam tibi occasionem præbent ostendendi, quæcumq[ue] in virtute profecceris?

2. Si eum, qui suâ actione effecisset, ut ad magnam dignitatem evenereris, meritò amandum & honorandum censeres; cur illum odio prosequeris, qui suis persecutionibus causa fuit, ut ad similitudinem Christi, atque adeò summam dignitatem provehereris?

3. Si liberi virgam, quâ Pater eos castigavit, osculari solent; cur tu eum, per quem velut instrumentum Pater æternum castigat, non petinde amas, & exoscularis?

4. Si Erinaceo utiles sunt spinæ, quia contra infesta animalia cum defendunt; cur tu tristaris de Persecutoribus, qui velut spinæ te contra vitia defendunt?

Contra morbos.

5. Si duellum tibi esset cum alio, gauderes hostem ab amico debilitari, cur ergo non & corpus infirmari, cum quo perpetuum animæ tuæ duellum est?

6. Cauterium unius membra pateris, ut plura salves, cur non & corpus per infirmitatem aduri finis, ut animus sanctatur?

7. Si alas cum Davide optates, quibus ad DEVM celerius queas pervenire, cur infirmitates recusalis, de quibus scriptum: multiplicatae sunt infirmitates eorum, postea acceleraverunt.

8. Si à Principe gaudes visitari, cur non etiam à DEO? cur non sequeris senem dolentem, quod anno quodam per morbum visitatus non sit?

Contra mortem.

9. Si tempus illud optimum censes ad sanguinem mittendum, aut crines tondendos, quod Astrologi designant; cur non & illud genus mortis, & tempus optimum censes, quod DEUS præscripsit?

10. In via lassatus eam celeriter finiri petis; cur ergo vitam molestam longius prolongari optas?

11. Si corpus est carcer animæ, cur non quam celerrimè dissolvi cupis vincula, &c. eum Christo?

12. Si Creditor tibi molestus est, an non gaudes, si debitum illi solvere possis; cur ergo debitum mortis ipsi Naturam agre persolvis?

CONSI-